



NAFARROAKO PARLAMENTUKO

ALDIZKARI OFIZIALA

V. legegintzaldia

Iruña, 2002ko ekainaren 4a

61 ZK.

A U R K I B I D E A

B SAILA:

Foru lege proposamenak:

- Foru Lege proposamena, energia aurreztu eta energia berriztagarriak sustatzeari buruzkoa, Ezkerreko Unida de Navarra-Nafarroako Ezkerreko Batua Parlamentuko Taldeak aurkeztua ([2. or.](#)).
- Foru Lege proposamena, alargun pentsioetarako laguntza bereziei buruzkoa. Aurkeztutako zuzenketak ([10. or.](#)).

F SAILA:

Galderak:

- Galdera, bikote egonkorrek egindako PFEZ aitortzei buruzkoa. Foru Diputazioaren erantzuna ([11. or.](#)).
- Galdera, Fustiñanan industria honakinen tratamendurako planta bat jartzeko prozesuan betetako trukei buruzkoa. Foru Diputazioaren erantzuna ([12. or.](#)).
- Galdera, “Navarra de Medio Ambiente, S.A.”(NAMAINSA) enpresak sustaturiko hondakin berezietarako zentroi buruzkoa. Foru Diputazioaren erantzuna ([13. or.](#)).
- Galdera, Los Arcosen hondakin berezien tratamendurako zentro bat jartzeari buruzkoa. Foru Diputazioaren erantzuna ([14. or.](#)).
- Galdera, 0-3 urte bitarteko haurrentzako ikastetxeak abian jarri dituzten herriei buruzkoa. Foru Diputazioaren erantzuna ([15. or.](#)).

B saila:
FORU LEGE PROPOSAMENAK

Foru Lege proposamena, energia aurreztu eta energia berriztagarriak sustatzeari buruzkoa

Nafarroako Parlamentuko Mahaiak, 2002ko maiatzaren 27an egindako bilkuran, erabaki hau hartu zuen, besteak beste:

Nafarroako Foru Eraentza Berrezarri eta Hobetzeari buruzko Lege Organikoaren 19.1.b) artikulua aitortzen dion legegintzarako ekimena erabiliz, Izquierda Unida de Navarra-Nafarroako Ezker Batua Parlamentuko Taldeak energia aurreztu eta energia berriztagarriak sustatzeari buruzko Foru Lege proposamena aurkeztu du.

Hori horrela, Biltzarreko Erregelamenduko 145. artikuluan ezarritakoarekin bat, Eledunen Batzarrari entzun ondoren, hona

ERABAKIA:

1.- Energia aurreztu eta energia berriztagarriak sustatzeari buruzko Foru Lege proposamena Nafarroako Parlamentuko Aldizkari Ofizialean argitara dadin agintzea.

2.- Foru Lege proposamen hori Nafarroako Gobernura igortzea, Erregelamenduko 145. artikuluan ezarritako ondorioetarako.

Iruñean, 2002ko maiatzaren 29an

Lehendakaria: José Luis Castejón Garrués

Foru Lege proposamena, energia aurreztu eta energia berriztagarriak sustatzeari buruzkoa

ZIOEN AZALPENA

Energiak ingurumenean eta natur baliabideen ahiduran duen garrantzia zalantzan jartzetik ez dago egun, eta hala ezarri da nazioarteko foro guztietan, Europako Batasunean barne. Gure herrialdeak konpromiso batzuk hartu ditu gainerako estatuekiko, Rio de Janeiroko 1992ko Goi bileran (Agenda 21), Kyotoko Goi bileran (1997) eta Europako Batasunean, Ingurumenaren V. Egitaraua onestean. Horietan guztietan Espainiak ezarri dituen helburu nagusiak hauexek izan dira: itu-

rri fosiletatik heldu den energiaren kontsumoa gutxitzea, energiaren kontsumoa, biztanleko, gutxitzea, atmosferaren kutsatzaileen emisioak gutxitzea eta energia berriztagarriek kontsumo elektrikoan duten parte hartzea pixkanaka handitzen joatea.

Europako Batasunak, berriz, konpromisoa hartu du kide diren herrialdeetan kontsumitzen den lehen mailako energiaren ehuneko hamabostta energia iturri berriztagarrien bidetik lortzeko, 2010. urterako.

Kyotoko 1997ko Goi bileran, estatuek bertan hartutako konpromisoak urriak izan baziren ere, agerian gelditu zen adostasun orokorra zegoela atmosferaren kutsadurak eragindako klima aldaketa kezkarriari aurre egiteko neurri bereziak hartu behar diren inguruan. 2002ko martxoaren 11n, Diputatuen Kongresuan talde guztiek aho batez onetsi zuten Kyotoko Protokoloa berrestea. Foru Lege proposamen honek tresna bat izan nahi du, Nafarroari aipatutako jaulkipenak gutxitu eta, horrela, protokolo horretako xedeak betetzeko bide emanen diona.

Foru Komunitateko Gobernuaren eta Parlamentuaren zeregina, arlo honetan, plan energetiko bat –Estatuko legediaren aplikazioak ezeztatu– onestera, dirulaguntza urri batzuk ematera eta energia eolikoaren emakidak erregulatzeraz bideraturik dago.

Foru Lege proposamen honen asmoa da aurrera pausuak sustatzea Nafarroako politikak energia berriztagarriei –modu zabalean ulerturik– ematen dien garrantzia areagotzeko, eskaria kudeatzeko politikak –energia aurreztera zuzendutakoak– barne.

Nafarroak gaitasun handia du energia mota honen iturri gisa. Energia eolikoak gure erkidegoan azken urteotan izan duen hazkundea ikusgarria da, baita aurreikuspenen gaineratikoa ere, eta horrek arazoak eragin ditu ingurumenean, aurreikuspen eta plangintza ezaren ondorioz eta toki

batzuetan ezarritako aire sorgailuen kopurua gehiegizkoa dela-eta. Biomasa da Nafarroan hazkunde ahalmen handiena duen energia iturri berriztagarria, batez ere jatorria oihanean duena eta labore energetikoak, zeinak itxaropenaren ateak zabaltzen dituzten bai gure nekazaritzaren etorkizunari bai populazioa eskualde endekatuetan bizitzen jartzeko aukerei begira. Bestelako iturri batzuek ere, eguzkiarenak –termikoa eta fotovoltaikoa– eta hidroeletrikokoak, adibidez, parte hartze garrantzizkoa dute Nafarroako energia kontsumoan, ingurumen arloko kontrol egokia egin eta zenbait ibai tartek jasaten duten saturazioa saihesten bada, hidroeletrikokoaren kasuan.

Bestalde, energia berriztagarrien sektorea garrantzi gero eta handiagoa hartzen ari da ekonomian, eta Nafarroako enpresa sektoreak ere partaidetza aktiboa du. Eraginkortasun energetikoa eta energia berriztagarriak sustatzea, ingurumena babesteaz eta nahikotasun energetikoari laguntzeaz gain, baliagarria izanen da goraka doan enpresa sektore bat areago bultzatu eta Nafarroaren garapen ekonomikoaren alde egiteko. Sektore horiek lanpostu –zuzen nola zeharkako– berrien sorburu izanen dira, neurri handikoa izan ere, Europako Batasunaren kasuan, 2020. urterako bederatzehun mila izanen direla kalkulatu baita, eta horietatik 100.000 Espainiako Estatuan sortuak. Eremu horietan dagoen eskulan premia ohiko energietan erabiltzen dena baino askoz handiagoa izaten da.

Nafarroako gizartea jabeturik dago aspaldi Espainiako Estatuan energia nuklearraren alde eginiko apustuak ekarri dituen alderdi negatiboak. Denborak arrazoa eman die azkenean instalazio mota horren segurtasunaz eta bideragarritasun ekonomikoaz duda egin zutenei, eta egun energia hori atzeraka doa herrialde garatu gehien-gehienetan. Espainiako Gobernuak berak moratoria bat dekretatu zuen, proiektuan edo eraikitzen ari ziren zentral nuklear guztiak geldiarazi zituen. Gaur egun, jardunean dauden zentral guztiak eraisten joanen dira erabileraren mugara ailegatu ahala.

Energia aurrezte hura ekoiztea baino merkeagoa da. Atzean gelditu da aurrezpen energetikoa gabezia edo eskasiarekin identifikatzen zen garai hura. Teknologia berriei esker, egun ongizateari eta prestazioei eutsi ahal zaie energia asko aurreztuz. Energiaren edo lehengaien laurdenarekin antzeko ongizatea lortzeko teknikak eskaintzen dituen aukerei “4 faktorea” izena eman die Erromako Taldeak. Espainiako plan energetikoaren arabera ere gure herrialdeak % 7,6 gutxitu dezake energiaren kontsumoa 2000. urterako,

aurreikuspen hori oso asmo handikoa ez bada ere.

Sektore elektrikorako Estatuko lege berriak, Gorte Nagusiek funtsezko legeriaren izaera emanez berriki onetsiak, aurrezpen eta energia eraginkortasunaren planak sendotasunez garatzeko oinarriak ezarri ditu. Halaber, energia berriztagarriak eta baterako sorkuntza sustatzeko lege, teknika eta tarifa estaldura ematen duten lanabesak mantentzen ditu, bereziki Estatuko lege horrek arautzen duen “energia elektrikoa ekoizteko araubide berezia” delakoan sartu daitezkeen kasuetan. Foru lege honen asmoa, bestalde, Foru Komunitateak arlo horretan dituen eskumenez baliatzeko funtsezko oinarriak ezartzea da, Estatuko oinarritzako arauetan ezarritako ildoaren barrenean.

Testuinguru horretan, foru lege honen egitura hauxe da: lau kapitulu eta zenbait xedapen gehigarri eta iragankor. Lehendabiziko kapituluan, testuak islatzen du Nafarroak uko egin ziola instalazio nuklearrak paratzeari gure lurraldean. Arlo honetako ikerketa eta garapeneko proiektuen kasuan, gehieneko potentzia 500 Kw-koa izanen dela ezartzen da eta, orobat, ez dutela foru gobernuaren inolako laguntzarik jasoko. II. kapituluan energia eraginkortasunerako eta energia berriztagarrietarako planen ezarpena arautzen da; planok gai horietako politika integrala urte batzuetan planifikatzeko tresna izanen dira, Estatuko eta Europako Batasuneko planifikazioan txertaturik. Zehatz-mehatz ezartzen dira plan horiek hartu beharko dituzten alderdiak eta horiek prestatzeko metodologia.

III. kapituluan Nafarroako Energia Eraginkortasunerako eta Energia Berriztagarrien Institutua sortzen da, erakunde autonomoaren izaerarekin. Haren xederik lehenena Nafarroan gai horietako politika aktiboa antolatzea da, entitate horiek ematen duten malgutasuna eta espezializazioa lortzeko jarduketan gainean beharrezkoa den kontrol publikoa galdu gabe. Ezartzen diren gobernu organoek egitura erraza dute, gehiegizko burokraziak eta organigramak saihesteko. Era berean, institutuak merkataritzako sozietate publikoetan parte hartzeko bidea irekirik uzten da.

Institutuak bere gain hartuko dituen eginkizunen xedea da Foru Komunitateko administrazioaren departamentu guztiek, baita beste administrazio publikoetakoek ere, gauzatzen dituzten politiken behatoki bihurtzea, eta horien jarduketan eragin energetikoa ebaluatzea erabakitzeko ahalmena ematen zaio.

Azkenik, kontseilu aholku-emailea eratzen da, foru lege hau aplikatzeko gauzatuko den politikaren jarraipenean gizartearen partaidetza zabala erdiesteko. Kontseiluko kideen artean enpresa sektoreetako ordezkariak, unibertsitatekoak, administrazioakoak, kontsumitzaileenak, sindikatuenak eta mugimendu ekologistarenak izanen dira.

I. KAPITULUA

Kontzeptua eta helburuak

1. artikulua. Xedeak.

1. Foru lege honen xedea da energia eragin-kortasunaren eta energia berriztagarrien sustapena Nafarroan, industria, energia eta ingurumen arloetako politikaren lehentasunezko ildo bihurturik, halako moduan non Nafarroak, 2010. urterako, % 8 gutxituko dituen negutegi efektuaren eragile diren gasen emisioak –1990ekoekin alderaturik–, eta Nafarroako lurraldean energia nuklearraren aukera bazterturik geratuko den, hurrengo artikuluan deskribaturiko moduan.

2. Helburu hori lortzeko tresnak energiaren aurrezpenean eta energia berriztagarrien arloan espezializaturiko institutu bat eta kontseilu aholku-emaile bat sortzearen inguruan antolatuko dira, bai eta horiek planifikatu eta sustatzeko tresnak ezartzearen inguruan ere.

2. artikulua. Energia berriztagarrien kontzeptua

1. Energia elektrikoa ekoizteko jardueri –Estatuko oinarriko araudiaren arabera araubide berezikiotzat jo daitezkeenei– baimena emateko tramitazioari dagokionez, horien definizioa da Sektore elektrikoari buruzko azaroaren 27ko 54/1997 Legean eta hura garatzen duen erregelamenduzko araudian ezarritakoa.

2. Foru lege honek politika aktiborako dituen tresnen laguntza jasotzeko, energia iturri berriztagarritzat hartzen dira honako energia edo baliabide hauek ustiatuz energia elektrikoa edo termikoa ekoizten dutenak:

Eolikoa, hau da, haizearen energia zinetikoa aire sorgailuen bidez energia elektriko bihurtzen duena.

Eguzkiko termikoa –aktiboa eta pasiboa–, hau da, eguzkiaren irradiazioaz baliatzea isuri bat berotzeko. Isuri hori, ondoren, ur beroa, lurrina edo energia elektrikoa sortzeko erabiltzen da.

Eguzkiko fotovoltaikoa, hau da, eguzki irradiazioaz baliatzen dena zuzenean energia elektriko bilakatuz.

Hidrauliko txikia, 10 MW baino gutxiagoko potentzia duten zentral hidroelektrikoek ekoiztia, haren instalazioek ur laster baten energia zinetikoa energia elektriko bilakatuz.

Biomasa, baso, abeltzaintza, nekazaritza edo labore energetikoen hondakinen bidez eskuratzen dena, zuzenean errez edo bitarteko eraldaketa prozesuen bitartez, hala nola, bioalkohola, biogasa edo beste batzuk erabiliz.

Geotermikoa, hau da, lurrazpiko ur-tokien beroa, tenperatura baxuan, ertainean edo altuan, edo harri bero lehorra aprobetxatzen duena ur beroa edo lurrina lortzeko.

3. Era berean, foru lege honek politika aktiborako agertzen dituen tresnen bitartez baterako sorkuntzaren araubideko ekoizpena bultzatuko da, betiere 25 MW baino gaitasun txikiagoko instalazioetan; baterako sorkuntza elektrizitatea eta bero erabilgarria batera ekoiztea da, ondoren ustiapen energetikoa emateko, edozein delarik ere haren erregai nagusia.

3. artikulua. Energia nuklearra

1. Nafarroako Foru Komunitateak, lurraldearen antolamendu, hirigintza, osasun eta ingurumen alorretan dituen eskumenez baliatuz, ez du baimenik emanen bere lurraldean hondakin erradioaktiboen biltegirik sortzeko, ez eta ezein motatako errektore edo zentral nuklearrik eraikitzeke ere, ez energia ekoiztekorik ez hondakin erradioaktiboen tratamendukorik; ez du baimenik emanen, ezta ere, indardun araudiaren arabera Segurtasun Nuklearraren Kontseiluaren baimena behar duten instalazio nuklear eta erradioaktiborik paratzeko, kontuan harturik energia mota horren erabilerak zein arrisku larri dakartzan ingurumenerako eta pertsonen osasunerako. Debeku horretatik kanpo dago Nafarroan sorturiko jatorri mediku zein zientifikoko hondakin erradioaktiboak biltegiratzea edo tratatzea.

2. Era berean, aurreko lerrokan aipatutako helburuetara bideraturiko edozein ikerketa eta garapen motak ez du Nafarroako administrazio publikoen diru laguntzarik edo zerga laguntzarik –zuzenekoak zein zeharkakoak– jasoko.

II. KAPITULUA

Energia eraginkortasuna eta energia berriztagarriak garatzeko planak

4. artikulua. Planak

1. Nafarroako Gobernuak energia eraginkortasuna eta energia berriztagarriak garatzeko urteanitzeko plan bat prestatuko du.

2. Plan horren xedea izanen da baliabide energetiko berriztaezinen erabilerak eguratsean eragindako kutsadura gutxitzea –1. artikuluan ezarritako portzentajea–, auto-hornidura areagotzea eta energia kontsumo txikiagoa eta energiaren erabilera arrazoizkoagoa sustatzea; hori guztia eskarian eraginez, zertarako-eta jarduera ekonomikoaren eta herritarren ongizatearen mailak antzekoak izanik energiaren gastua txikiagoa izan dadin, eta energia berriztagarrien alde eginez, baterako sorkuntza barne. Osagarri gisa, planak bultzatuko du gai horien inguruko ikerketa garatzea eta enpresak sortzea Nafarroako lurraldean.

5. artikulua. Planaren edukia

1. Planak amaierako energiaren eskariaren gaineko helburuak ezarriko ditu konpromiso nazionalen, Europakoaren eta nazioartekoaren esparruan, bai eskaria gutxitzeari dagokionez –aurrezpena– bai betiko energia fosilen ordeztzea energia berriztagarriak eta hain kutsagarriak ez direnak, kasuan kasukoak, erabiltzeari dagokionez.

2. Plana jarduketa programen bidez antolatuko da, arlo hauetara, behinik behin, zuzendurik:

Energiaren aurrezpena.

Energia berriztagarriak, baterako sorkuntza barne.

Ohiko bektoreak ordeztzea hain kutsagarriak izan gabe eskariaren esparruan eraginkorragoak direnekin.

3. Planak honako alderdi hauek hartu beharko ditu, gutxienez:

a) Planak izan beharko lituzkeen ondorioak:

– ondorio energetikoak: amaierako energiari(joerazko eskaria gutxitzea eta erregaiak ordeztzea) eta elektrizitatearen eta energia primarioaren ekoizpen eskaintzari dagokienez.

– Ingurumenaren gaineko ondorioak: kontsumitu gabeko erregaiak eta energia berriztagarri eta ez hain kutsagarriekin ordeztzea; halaber, egurratsa kutsatzen duten emisioak % 8 gutxitzea, 1. artikulua ezarri bezala.

– Energia eraginkortasuneko ondorioak, amaierako energiari dagokionez.

– Teknologia, ikerketa eta ekonomia (industria eta zerbitzuak) jardueraren gaineko ondorioak.

b) Gauzatu beharreko jarduketak zehaztea eta lehentasunak ezartzea.

c) Planerako aurreikusiriko finantzaabideak ezartzea.

d) Fiskalitatearen arloan planaren jarduketei ahal den etekinik handiena ateratzeko proposamenak.

6. artikulua. Aurrezpenerako eta eskariaren kudeaketarako programa.

1. Aurrezpenerako programaren helburua izanen da energia eskariaren maila nabarmen gutxitzea ongizate eta jarduera ekonomikoaren mailan ahalik eta gutxien eraginez.

2. Osagai hauek hartuko ditu barrenean, gutxienez:

a) Programaren helburuak ebaluatzeko metodologia bat finkatzea.

b) Esku hartzearen jomuga diren sektoreak –horien artean ezinbestean egon beharko dira industria, garraioa eta eraikuntza– zehaztea.

c) Jarduketa motak, eskariaren gaineko jarduketak barne, bai eta neurri teknikoak, kudeaketak eta, hala bada, zerga arlokoak. Gutxienez jarduketa hauek sartuko dira:

Eraikuntzaren sektorea: eraikuntzarako energia aurrezpenarekin zerikusia duten enpresen eta produktuen homologazioa, bai eta energia eraginkortasunaren etiketa bat ezartzea ere kontsumitzaileari eraikinen energia eraginkortasunari buruzko informazioa emateko. Hirigintza eta arkitektura bioklimatikoari buruzko araudi baten proposamena; bereziki isolamendu termikoa eta berokuntza, klimatizazio eta ur ekipamenduak. Jarduketak eraikin berrien nola dagoeneko jasorik daudenen gainekoak izanen dira.

Elektrotresnak: energia eraginkortasunaren etiketak zabaldu eta hedatzeko programak elektrotresnen sektorean. Arlo honetan kontsumoaren mugak arautzeko proposamena.

Industriaren sektorea: enpresetarako neurri teknikoak eta prestakuntza arlokoak sektore honetan; kontsumitzaileak sentsibilizatzeko programak.

Garraioaren sektorea: sektore honetako Estatu eta Europako programetarako laguntza neurriak; sostengu teknikoa eta sustapena energiaren ikuspuntutik eraginkorrak diren eta hirigintza plangintzarekin loturik dauden trafiko ereduatarako; garraio publikoak, batez ere trenak dituen onurez sentsibilizatzeko erabiltzaileak; ibilgailuen inguruko neurri teknikoak; bioerregaiak bultzatzea; garraio azpiegituren plangintza autonomikorako irizpideak ezartzea.

d) Programarekin lortu beharreko ondorioak.

7. artikulua. Energia berriztagarrien programa.

1. Energia berriztagarrien programak, ezinbestez, gai hauek agertu beharko ditu:

Energia mota horien kontsumoa gehitzeari buruzko helburuak zehaztea, autonomia erkidegoen elektrizitate ekoizpenean duten parte-hartzearen ingurukoak, orokorrean eta energia iturri motaren arabera, eta energia primarioari dagozkion helburu orokorrak.

Lege honen 2. artikuluan aipaturiko energia berriztagarrietako bakoitzaren eskaintzaren estrategiak, baita baterako sorkuntzarenak ere.

2. Programa honek baterako sorkuntzari buruzko azpiprograma bat edukiko du, honakoak, behintzat, sustatzeko: sorkuntza elektrikoan energia primarioa aurrezteko helburuak eta erregaiak aprobetxaturiko hondar-beroarekin ordeztzeko; ohiko energia produktuak gutxiago kutsatzen duten eta eraginkorragoan diren beste batzuekin ordeztzea; emisio kutsakorrek gutxitzea. Helburu zehatzak eta gauzatu beharreko ekintzak sektoreen eta erregaien arabera ezarriko dira.

8. artikulua. Ordezpen programa.

1. Programa horren helburua da eskariaren kudeaketaren bitartez sustatzea ohiko energia produktuak –hala nola, elektrizitatea– energia eraginkortasun handiagoa duten edo eguratsean kutsadura txikiagoa eragiten duten beste batzuekin ordez daitezten.

2. Programa honek ondokoak eduki beharko ditu, gutxienez: helburu zehatz batzuk, sustatu beharreko ordezpenen helburuak ebaluatu ahal izateko metodologia zehaztua, aurreikusiriko ondorioak eta sektoreetan proposaturiko jarduketak.

9. artikulua. Beste plan batzuekin koordinatzea.

1. Plan honen aldizkakotasuna eta edukia Espainian eta Europan izan daitezkeen pareko planekin koordinatuko da. Horrelakorik ez badago, aldizkakotasuna hamabost egunekoa izanen da.

2. Plana Nafarroako Plan Energetikoan txertatu ahal da, betiere foru lege honetan ageri diren edukia eta baldintzak gorderik.

III. KAPITULUA**Nafarroako Energia Eraginkortasunerako eta Energia Berriztagarrien Institutua****10. artikulua.** Izaera juridikoa eta helburuak

1. Nafarroako Energia Eraginkortasunerako eta Energia Berriztagarrien Institutua sortzen da,

Foru Komunitateko administrazioan energiaren arloko eskumenak dituen departamentuari atxikitako erakunde autonomo gisa.

2. Institutuaren helburuak eta eginkizunak hauexek izanen dira:

Nafarroan energia berriztagarri berriak ustiatzeko eta energia aurrezteko teknikak sustatzea.

Energiaren arloko eskumenak dituen departamentuaren bidez energia aurrezpen eta eraginkortasunerako plana, proposatzea Nafarroako Gobernuari, onets dezan.

Zuzenean edo lankidetzaren bitartez, energia berriztagarrien eta energia aurrezpenaren arloko txostenak, programak eta ikerlanak egitea.

Nafarroako Gobernuak energia berriztagarrien eta energia aurrezpenaren arloan erabilera hobeki ezagutzeko eta dauden aukerez egokiro baliatzeko helburuarekin ematen dituen diru laguntzak erabaki eta bideratzea, baita bestelako erakunde publiko edo pribatuek emanikoak ere, hala agintzen badiote.

Energia berriztagarrien eta baterako sorkuntzaren instalazioak –Nafarroaren eskumenekoak eta bereziki Estatuko oinarrizko legedian zehazturiko elektrizitatearen ekoizpeneko araubide berezian sarturik daudenak– baimentzeko tramitazioan, Foru Komunitateko araudiak emandako eskuduntzez baliatzea.

Energia berriztagarriei eta energia aurrezpenari buruzko dokumentazio zentro bat eta gai hauei buruzko informazio tresnak eratzea eta hartaz arduratzea.

Foru Komunitate barreneko zein kanpoko erakunde publiko eta pribatuekin lankidetzaren harremanak ezartzea foru lege honen xede diren arloetan; batez ere, Nafarroan dauden toki agentzia energetikoenekin.

Energiaren aurrezpenerako eta eraginkortasunerako aukerak zehazteko aholkularitza eta auditoretza energetikoko programak sustatu eta, behar denean, gauzatzea.

Erregio mailako energia baliabide berriztagarrien ustiapen egokia sustatzea.

Nafarroako enpresen parte hartzea bultzatzea teknologia energetiko aurreratuaren fabrikazioan, hura enpresa sektorean zabaltzen eta enpresa horietan nazioko eta Europako Batasuneko programa energetikoen aplikazioan.

Kontsumitzaileen artean zabaltzea energiaren aurrezpenaren eta energia berriztagarrien arloko merkatuan dauden aukera teknologikoak; horretarako

rako energia eraginkortasunaren esparruan, arki-tekura bioklimatikoa, elektrotresnak, materialak, berokuntza sistemak bezalako sektoreak barne, ekoetiketak sortu eta zabaltzea bultzatuko da.

Foru Lege honen xede diren arloetan profesionalen prestakuntzarako eta birziklapenerako programak garatzea.

Ikerketa proiektuetan parte hartzea beste ikerketa zentro batzuekin lankidetzan.

Energiaren erabilera arrazionalizatzeko programak prestatzea.

ñ) Nafarroako Gobernuaren departamentuak edo beste administrazio publiko batzuk ukitzen dituzten energia programak, jarduketak eta proiektuak koordinatu eta garatzea.

Haren ekimenez, jarduketak eta programak proposatzea entitate publiko eta pribatuei –berezi-ki energiaren sektoreko enpresei– institutuaren helburuak lortzeko bideratuta; subjektu horiei, halaber, foru lege honekin bilatzen diren xedeetarako kaltegarriak izan daitezkeen ekimenak, programak edo proiektuak aldatzea proposatu ahalko du.

Aurreko puntuekin zerikusia duten jarduera mota oro gauzatzea.

11. artikulua. Lankidetzak.

1. Haren eginkizunak betetzeko, institutuak lankidetzak harremanak ezarri ahalko ditu energia berriztagarrien eta energia aurrezpenaren arloan jarduerak betetzen dituzten entitate publiko eta pribatuekin.

2. Merkataritzako sozietateak eta irabazi asmorik gabeko entitateak sustatu eta horietan parte hartu ahalko du, halaber, institutuaren gain utzitako xedeek hobeki erdiesteko.

3. Institutuak Nafarroako Gobernuari igorri beharreko txostenak alde batera utzirik, institutuak bi urterik behin igorriko du Nafarroako Parlamentura egindako jarduerari buruzko txosten zehatz bat.

12. artikulua. Gobernu organoak.

Institutuaren gobernu organoak honako hauek dira:

- Batzorde exekutiboa
- Zuzendaria

13. artikulua. Batzorde exekutiboa.

1. Batzorde exekutiboa institutuaren gobernu eta ordezkari organo goren da. Haren kideak izanen dira energiaren arloko kontseilari eskudu-

na, batzordeburu gisa, institutuaren zuzendaria, Nafarroako Gobernuak izendatu beharreko hiru kide, gaiarekin lotura zuzenena duten departamentuen ordezkari, eta Nafarroako Parlamentuak izendatu beharreko beste lau kide.

2. Batzorde Exekutiboaren eginkizunak hauek izanen dira:

– Institutuaren jardunerako ildoak ezartzea, energiaren arloko eskumenak dituen departamentuaren jarraibideekin bat.

– Institutuaren jarduketa planak onestea.

– Institutuaren aurrekontuaren aurreproiektua onestea, ondoren tramitatzeko, bai eta memoria, balantzea eta urteko emaitzen kontua ere.

– Merkataritzako sozietateetan gutxiengo gisa parte hartzea onetsi eta Nafarroako Gobernuaren Kontseiluari proposatzea merkataritzako sozietateak sortzea edo gehiengo gisa parte hartzea.

– Zuzendariak proposaturik, institutuaren barne antolaketa onestea, bai eta langileak hautatu eta onartzeko eta lansariak ezartzeko irizpideak ere.

– Institutua ordezkatzeko, izaera orokorraz, egintza eta kontratu orotan eta edozein pertsona edo entitatearen aurrean.

– Zenbait eginkizun eskuordetzea batzordeko buruari edo institutuko zuzendariari, betirako edo aldi baterako.

– Institutuaren organoen barne araubideko erregelamendua onestea.

– Zuzendariak proposaturik, langileen plantilla onestea.

14. artikulua. Zuzendaria.

1. Nafarroako Gobernuak izendatuko du Institutuko zuzendaria, Batzorde Exekutiboak proposaturik.

2. Zuzendariak honako eginkizun hauek izanen ditu:

a) Institutuaren ohiko ordezkari izatea.

b) Batzorde Exekutiboaren erabakiak prestatu eta betetzea.

c) Institutuaren jarduketa programa eta aurrekontuaren aurreproiektua prestatzea, bai eta memoria, balantzea eta urteko emaitzen kontua ere.

d) Batzorde Exekutiboari langileen plantilla proposatzea eta batzordearen eta institutuaren zerbitzuen zuzendaritza betetzea.

e) Gastuak eta pagamenduak agintzea, eta horren berri ematea Batzorde Exekutiboari.

f) Batzorde Exekutiboak ezartzen duen gehieneko zenbatekoa gainditzen ez duten azterlan, obra, zerbitzu eta negozio juridikoen proiektuak onestea.

15. artikulua. Baliabideak eta ondare araubideak.

Institutuaren baliabideak honako hauek osatuko dituzte:

a) Nafarroako aurrekontu orokorretan instituturako aurreikusiriko zuzkidurak.

Haren jarduerak betetzeak, zerbitzuak emateak eta ondarea kudeatzeak eragindako dirusarrerak, ohikoak nola bereziak.

Bestelako ente publiko edo pribatuetatik heldu diren dirulaguntzak eta ekarpenak, edo partikularrek emandakoak.

d) Merkataritzako sozietateetan parte hartzetik heldu diren dirulaguntzak eta ekarpenak.

e) Nafarroako Gobernuak baimenduta itundu-ko dituzten kredituak, maileguak eta jesapenak.

f) Haren esku utzitako beste ekarpen oro.

2. Institutuak bere ondarea eta Foru Komunitateko ondareari atxikitako ondasunak izan ahalko ditu; ondasun horiek jatorrizko kalifikazio juridikoa gordeko dute eta ezin izanen zaizkio gehitu institutuaren ondareari, ez eta besterendu edo trukatu ere, eta Foru Komunitateko ondareari buruzko legeriak arautuko ditu.

16. artikulua. Araubide juridikoa.

1. Institutuaren erabakiek ez dute administrazio bidea amaituko eta haien aurka ohiko errekurtsioa aurkeztu ahalko zaio energiaren arloko eskumena duen departamentuko titularrari.

2. Egintza deusez edo deuseztagarrien ofiziozko berrikuspina eta kaltegarritasunezko deklarazioa Batzorde Exekutiboak erabakita eginen dira.

17. artikulua. Desegitea.

1. Institutua foru lege bidez desegiten bada Nafarroako Gobernuak atxiki gabeko ondasunak, bertara itzuliko direnak, energia berriztagarrien arloan lan egiten duten irabazi asmorik gabeko Nafarroako entitateei eman beharko zaizkie.

IV. KAPITULUA

Energia eraginkortasunerako eta energia berriztagarrien kontseilu aholku-emailea

18. artikulua. Kontseilu aholku-emailea.

Energia eraginkortasunerako eta energia berriztagarrien kontseilu aholku-emaile bat sortu da, arlo hauetako politika zehaztean gizartearen partaidetza sustatzeko helburuarekin.

19. artikulua. Eginkizunak.

Kontseilu aholku-emaile horren eginkizunak hauexek izanen dira:

a) Energia eraginkortasunerako eta energia berriztagarrien urte anitzeko planaren eta aldizkako gaurkotzearen inguruko azterlana eta irizpen loteslea.

b) Plan energetikoaren gaineko irizpena, hala-kerik izanez gero.

c) Energiaren arloko txostenak ematea, bere ekimenez edo institutuak, Nafarroako Gobernuak, Nafarroako Parlamentuak edo Nafarroan jarduten duen beste edozein administrazio eskaturik.

d) Energia Eraginkortasunerako eta Energia Berriztagarrien Institutuaren urteko oroit-idazkiaren eta aurrekontuaren exekuzioaren berri izatea eta neurriak proposatzea haren jarduna, baita Foru Komunitateko administrazioaren politika energetikoa ere, egokiagoak izan daitezen.

20. artikulua. Kideak.

1. Honako hauek izanen dira kontseilu aholku-emailearen kideak:

a) Institutuko zuzendaria.

b) Nafarroako Unibertsitate Publikoak izendaturiko bi ordezkari.

c) Merkataritza eta Industria ganberaren ordezkari bat.

d) Foru lege honen xede diren sektoreetan aritzen diren enpresetako bi ordezkari, energiaren alorreko eskumena duen kontseilariak hautatuak.

e) Ordezkaritza handiena duten sindikatuetako bi ordezkari.

f) Nafarroako talde ekologistetak bi ordezkari, taldeetako kideek izendatuak.

g) Bost kide, Nafarroako Parlamentuak sona zientifiko eta profesionala duten adituen artean hautatuak.

h) Kontsumitzaileen eta erabiltzaileen erakundeen ordezkari bat.

2. Kontseiluko burua kontseiluko kideen artean hautatuko da.

3. Energiaren arloko eskumena duen departamentuak emanen dizkio kontseilu aholku-emaileari eginkizunak betetzeko behar dituen giza eta gauza baliabideak. Horretarako, kontseilu aholku-emaileak gastuen aurrekontu bat igorriko du, Nafarroako aurrekontu orokorren proiektuan sartzeko.

21. artikulua. Jardunbidea.

1. Kontseilu aholku-emaileak urtean hiru aldiz, gutxienez, eginen du ohiko bilkura eta bilkura bereziak, berriz, lehendakariak komenigarritzat jotzen duen edo kideen heren batek eskatzen duen aldiro.

2. Kontseiluak prestatu eta onetsi beharreko barne araubideko erregelamendu baten bidez arautuko da barne jardunbidea.

Xedapen gehigarriak

Lehendabizikoa. Arkitektura eta hirigintza bioklimatikoa.

1. Sei hilabeteko gehieneko epean, Nafarroako Gobernuak erregelamenduzko araudi bat onetsi beharko du, energia aurrezteko eta energia berriztagarriak sustatzeko neurriak, derrigorrez bete beharrekoak eta Foru Komunitateko etxebizitzaren eraikuntzan aplikazio orokorra izanen dutenak, ezartzeko.

2. Foru Komunitateak etxebizitzaren arlorako eginen dituen esku-hartze planek etxebizitza babestuetarako sustapen ekonomikoko neurri bereziak izanen dituzte, horien energia eraginkortasunaren arabera.

3. Foru Komunitateko administrazioak, etxebizitza babestuak lurzoru publikoaren lagapenez baliatuz hirugarrenen bidez sustatzeko politikan, lurzoru hori adjudikatzeko lehiaketetan izaten diren baremoei irizpide bioklimatikoak gehituko dizkie.

Bigarrena. Programak eraikin publikoetan.

Foru Komunitateko administrazioak, urte bateko gehieneko epean, haren titularitateko eraikintan eta argi publikoetan energia aurrezteko eta energia berriztagarriak ezartzeko neurrien programa bat prestatuko du. Era berean, laguntza ekonomikoen bitartez sustatuko du Nafarroako lurraldeko toki entitate guztietan antzeko programak abian jartzeko.

Hirugarrena. Errausketa debekatzea.

Ingurumenaren aldetiko arrazoiak direla-eta, Foru Komunitateak, haren eskumenen barruan, ez du baimenik emanen energia hiri eta industria hondakinak errez ekoizteko instalaziorik paratzeko.

Laugarrena. Aire-sorgailuak sare elektrikoari lotzea.

Foru Komunitateko administrazioak energiaren eta industriaren arloan dituen eskumenez baliatuko da eta aire- sorgailu eolikoak sare elektrikoari baldintza tekniko eta finantzario egokietan lotzea lagunduko du, eta enpresa elektrikoek sareari lotzeko oztopoak edo eragozpenak jartzea galartzeko.

Xedapen iragankorrak

Lehendabizikoa. Foru lege honek indarra hartu eta sei hilabeteko epean, gehienez, Nafarroako Gobernuak Energia Eraginkortasunerako eta Energia Berriztagarrien Institutuaren estatuak onetsi beharko ditu.

Bigarrena. Foru lege honek indarra hartu eta hamar hilabeteko epean, gehienez, Nafarroako Gobernuak energia berriztagarriak eta energia eraginkortasuna garatzeko urte anitzeko plan bat prestatu beharko du.

Azken xedapena

Foru lege honek Nafarroako Aldizkari Ofizialean argitara eman eta biharamunean hartuko du indarra.

Foru Lege proposamena, alargun pentsioetarako laguntza bereziei buruzkoa

AURKEZTUTAKO ZUZENKETAK

Biltzarreko Erregelamenduko 128. artikuluan ezarritakoa betez, Nafarroako Demokraten Elkar-gunea Parlamentuko Taldeak aurkeztutako alargun pentsioetarako laguntza bereziei buruzko Foru Lege proposamenari egin zaizkion zuzenketak Nafarroako Parlamentuko Aldizkari Ofizialean argitara daitezen agindu dut. Proposamen hori 2001eko irailaren 24ko 93. Nafarroako Parlamentuko Aldizkari Ofizialean argitaratu zen.

Iruñean, 2002ko maiatzaren 31n

Lehendakaria: José Luis Castejón Garrués

1. ZUZENKETA

FORU PARLAMENTARI
MILAGROS RUBIO SALVATIERRA
ANDREAK AURKEZTUA

3. artikulua aldatzeko zuzenketa

“3. artikulua. Prestazio osagarria kobratzeko formula.

Nafarroako Gobernuak beharrezkoak diren tresnak abiaraziko ditu pentsioa jasotzen dutenei ofizioz emateko aipatu prestazio osagarria, lege honetan ezarritako beharizanen eta baldintzei jarraikiz. Halere, pentsioa jasotzen dutenek nork bere ekimenez eskatu ahalko dute prestazio hori, eta Nafarroako Gobernuak eskatzaileak emandako informazioa egiaztatuko du.”

Zioak: Lege honek ezarritako prestazio osagarria jasotzeko eskubidea dutela ez dakitenak kalte-tuta ez ateratzea. Edozein kasutan, garrantzitsua da hartzaileen berezko ekimena sustatzea, prestazioa ofizioz tramitatzean gerta litezkeen akatsak konpontzeko.

2. ZUZENKETA

BATASUNA
PARLAMENTUKO TALDEAK AURKEZTUA

Xedapen gehigarri bat gehitzeko zuzenketa.
Hona:

“Nafarroako Gobernuak, gehienez ere sei hila-beteko epean, Eskubide sozialen gutun baterako apirilaren 6ko 9/1999 Foru Legea aldatzeko lege

proiektua igorriko du Nafarroako Parlamentura. Horren bidez, oinarritzko errentaren zenbatekoa lanbide arteko gutxieneko soldataren % 100era berdinduko du, eta bide emanen du 65 urtetik gorako pertsonak oinarritzko errenta jaso ahal izan dezaten.”

Zioak: Asmoa da ahalik eta azkarren hartzea baliabide hori beharrezkoa duten pertsonak aintzat hartuko dituzten neurriak.

Gogoratu behar da herritarrei herritar diren aldetik dagozkien eskubideak baliatu ahalko dituztela bermatzearen sortu zela oinarritzko errenta. Halere, ikusita egungo zenbatekoa eta egun zenbatek jaso lezaketen errenta, frogatuta dago ez dela nahikoa nafarrei bermatzeko herritar diren aldetik dagozkien eskubideak baliatu ahalko dituztela, eta hori da, hain zuzen ere, legearen oinarritzko printzipioa.

Bazterkeria ekiditeko modu bakarra da oinarritzko errenta behar duten pertsona guztiek errenta hori jaso ahal izatea da, hala alargun pentsioa jasotzen dutenek nola baliabide ekonomiko nahikorik izan ez arren pentsiorik jasotzen ez dutenek. Foru Lege proposamenak arautu nahi duen neurria egokia da baldin eta aldi baterakoa bada. Behin betiko izatea nahi bada —hau da, beste talde batzuen egoerari aurre egiten ez bazaio—, administrazioak bazterkeriaz jokatu luke.

3. ZUZENKETA

FORU PARLAMENTARI
MILAGROS RUBIO SALVATIERRA
ANDREAK AURKEZTUA

Legearen izenburua aldatzeko zuzenketa.
Hona izenburu berria:

“Foru Lege proposamena, lanbide arteko gutxieneko soldataren azpitik dauden kotizaziopeko nahiz kotizazio gabeko pentsioetarako eta langabezia-sorospenerako laguntza bereziei buruzkoa.”

Zioak: Gure ustez, alargun pentsioak ez ezik, lanbide arteko gutxieneko soldataren azpitik dauden guztiak osatu behar dira, diskriminazioa ekiditeko eta pertsona behartsuenek bizi-baldintza duinak izan ditzaten.

F saila:
GALDERAK

Galdera, bikote egonkorrek egindako PFEZ aitorpenei buruzkoa**FORU DIPUTAZIOAREN ERANTZUNA**

Biltzarreko Erregelamenduko 112.1 artikuluan ezarritakoa betez, foru parlamentari M^a Isabel Arboniés Bermejo andreak bikote egonkorrek egindako PFEZ aitorpenei buruz egindako galde-raren erantzuna, Foru Diputazioak emana, Nafarroako Parlamentuko Aldizkari Ofizialean argitara dadin agintzen da. Galdera hori 2002ko otsailaren 11ko 10. Nafarroako Parlamentuko Aldizkari Ofizialean argitaratu zen.

Iruñean, 2002ko martxoaren 5ean

Lehendakaria: José Luis Castejón Garrués

ERANTZUNA

Izquierda Unida de Navarra-Nafarroako Ezker Batua Parlamentuko Taldearen Gizarte Gaietako eledun M^a Isabel Arboniés Bermejo andreak galdera egin du bikote egonkorrek egindako PFEZ aitorpenei buruz. Hona hemen Ekonomia eta Ogasun kontseilariaren erantzuna.

Bikote egonkorretako kideek eginiko 2000. urteko PFEZ aitorpenei kopurua, orain artekoa, 1.015 da.

Errenta kanpaina kudeatzeaz arduratu den unitateak ez du PFEZ aitorpenei atzera bota izanaren berri. Nafarroako tributu ogasunaren irizpidea da bikote egonkorren aitorpenei onartzea halakoak direla egiaztatuz gero. Kanpaina lan

egiten dutenak prestatzean bereziki azpimarratu zen aipatutakoa.

Bikotea egonkorra dela frogatzeko baldintzei dagokienez, aplikatutako irizpidea izan da bikote egonkorren berdintasun juridikoari buruzko uztailaren 3ko 6/2000 Foru Legearen 3. artikuluan ageri dena, hau da, zuzenbidean onartutako edozein frogabide. Horri buruz adierazi beharra dago errazen antzeman daitezkeen frogak bat edo batzuk zehaztu gabe emateak arauaren aplikazioa eta haren tributu kudeaketa oztopatzen dituela, eta aukera handiak eskaintzen dituela zerga iruzurra egiteko eta, are gehiago, planifikatzeko ere.

Nolanahi ere, gurasoak ezkondurik egon gabe seme-alabak edukitzea, kasuan kasuko erregistroko inskripzio agiria edo bikote egonkorra osatzeko borondatea agiri publikoan adieraztea bera dira frogabide seguruenak. Halere, beste batzuk ere hartzen dira kontuan, hala nola, elkarbizitzaren ziurtagiriak, erroldatze agiriak, izatezko bikotearen ziurtagiri zibila, finkatze liburua eta errentamendu kontratuak.

Hori guztia jakinarazi dizut Nafarroako Parlamentuko Erregelamenduaren 190. artikulua ezarritakoari jarraituz.

Iruñean, 2002ko martxoaren 1ean

Ekonomia eta Ogasun kontseilaria: Francisco Iribarren Fentanes

Galdera, Fustiñanan industria honakinen tratamendurako planta bat jartzeko prozesuan betetako tramiteei buruzkoa

FORU DIPUTAZIOAREN ERANTZUNA

Biltzarreko Erregelamenduko 112.1 artikuluan ezarritakoa betez, foru parlamentari Milagros Rubio Salvatierra andreak Fustiñanan industria honakinen tratamendurako planta bat jartzeko prozesuan betetako tramiteei buruz egindako galderaren erantzuna, Foru Diputazioak emana, Nafarroako Parlamentuko Aldizkari Ofizialean argitara dadin agintzen da. Galdera hori 2002ko otsailaren 11ko 10. Nafarroako Parlamentuko Aldizkari Ofizialean argitaratu zen.

Iruñean, 2002ko martxoaren 5ean

Lehendakaria: José Luis Castejón Garrués

ERANTZUNA

Askotariko Parlamentuko Taldeko foru parlamentari Milagros Rubio andreak galdera egin du Fustiñanan industria hondakinen tratamendurako planta bat jartzeko prozesuan betetako tramiteei buruz. Hona hemen Ingurumen, Lurraldearen Antolamendu eta Etxebizitza kontseilariaren erantzuna.

1. Aipatutako planta jartzeko prozesuan zer tramite eskatu eta onartu dira orain arte?

2000ko azaroaren 2an Equipo de Protección Ambiental S.L. (EPA S.L.) enpresak departamentuan aurkeztu zuen "Udalez gaindiko proiektu sektoriala-Industria hondakinak berreskuratu eta baloratzeko zentroa Fustiñanan" izenburuko dokumentua, proiektuaren ingurumenaren gaineko eraginari buruzko azterlan batekin batera.

2001eko uztailaren 2an Gobernuak hartutako erabakiaren bidez eta hondakin bereziei buruzko 13/94 Legearen 7.3 artikuluan aurreikusitakoari jarraikiz, udalez gaindiko proiektu sektorial deklaratu zen zentro hori eta, ingurumenaren gaineko

eraginari buruzko azterlanarekin batera, jendarean eta zentroak ukitua den udaletxean entzutea emateko tramitean jarri zen hilabetez.

Tramitearen etapa horiek beterik, Ingurumen zuzendari nagusiak urtarrilaren 28an emaniko 331/2002 Ebazpenaren bidez, ingurumenaren gaineko deklarazioa egin zen, adierazteko proiektua ingurumenaren ikuspuntutik bideragarria dela zenbait zehaztapen betez gero. Halaber, Lurraldearen Antolamenduko Batzordeak espedientea diktaminatu ondotik, 2002ko urtarrilaren 29an eginiko bilkuran eta Gobernuak 2002ko otsailaren 4an erabakia harturik, aurkeztutako alegazioak ebatzi eta udalez gaindiko proiektu sektoriala behin betikoz onetsi zen.

Ingurumenaren gaineko eraginari buruzko deklarazioa eta udalez gaindiko proiektu sektoriala Nafarroako Aldizkari Ofizialean argitaratzea falta da.

Bestalde, instalazioa jardunean hasteko beharrezkoa da Hondakin bereziei buruzko 13/94 Legearen 9. artikuluan ezarritakoa betetzea.

Departamentuak legeria indardunean aurreikusitako moduan baloratu ditu ingurumenaren gainean izan dezakeen eragina eta garraioaren arriskuak, hau da, ingurumenaren gaineko eraginaren ebaluazioaren eta deklarazioaren bitartez.

Hori guztia jakinarazi dizut Nafarroako Parlamentuko Erregelamenduaren 184. artikulua eta ondokoek ezarritakoari jarraituz.

Iruñean, 2002ko otsailaren 28an

Ingurumen, Lurraldearen Antolamendu eta Etxebizitza kontseilaria: Jesús Javier Marcotegui Ros

Galdera, “Navarra de Medio Ambiente, S.A.”(NAMAINSA) enpresak sustaturiko hondakin berezietarako zentroei buruzkoa

FORU DIPUTAZIOAREN ERANTZUNA

Biltzarreko Erregelamenduko 112.1 artikuluan ezarritakoa betez, Batasuna Parlamentuko Taldeak “Navarra de Medio Ambiente, S.A.”(NAMAINSA) enpresak sustaturiko hondakin berezietarako zentroei buruz egindako galderaren erantzuna, Foru Diputazioak emana, Nafarroako Parlamentuko Aldizkari Ofizialean argitaratu dadin agintzen da. Galdera hori 2002ko otsailaren 11ko 10. Nafarroako Parlamentuko Aldizkari Ofizialean argitaratu zen.

Iruñean, 2002ko martxoaren 5ean

Lehendakaria: José Luis Castejón Garrués

ERANTZUNA

Batasuna Parlamentuko Taldeak galdera egin du “Navarra de Medio Ambiente, S.A.”(NAMAINSA) enpresak sustaturiko hondakin berezietarako zentroei buruz. Hona hemen Lurraldearen Antolamendu, Etxebizitza eta Ingurumen kontseilariaren erantzuna.

1. Ez dago inolako loturarik 13/94 Legeak ezarritako hiru urteko moratoria eta NAMAINSA sozietate publikoaren helburuak erabat betetzea baldintzatzen dituenik. Izan ere, moratoria hondakin bereziei buruzko 13/94 Legearen hirugarren xedapen gehigarriak ezarri zuen, hondakinak kudeatzeko plana abiarazten laguntzeko. Hondakin bereziei buruzko 13/94 Legea aldatzeko 1/99 Legeak zenbait baldintza ezarri zituen hondakinen kudeaketa pribatua baimentzeko eta lehen aipaturiko moratoria eten zuen.

NAMAINSA sozietate publikoa hondakin bereziei buruzko Legearen 12.1 artikulua betetzeko sortu zen, industria hondakinen kudeaketa publikoaz arduratzeko. Bestalde, lege horrek argi ezarri zuen hondakinen ekoizlea beharturik dagoela horiek kudeatzera eta bide ematen du betebehari hori kudeatzaile berezi baimenduen eskualdatzeko.

Beraz, NAMAINSAk ez du inolako arrazoirik alegatu behar moratoriaren epea ahitu izana justifikatzeko, sozietateak ez baitu epe horretara mugaturiko beharkizunik.

2. Erantsitako agirian ageri dira.

3. Lehendabiziko galderari emaniko erantzunean, eta 1999an moratoria eten zenez Nafarroako Parlamentuaren gehiengo politikoarekin harturiko erabakiaren bidez, ez dago horrelako aurreikuspenik, hondakin bereziei buruzko 13/94 Legearen 4 eta 7. artikuluen babesean sustatzeko moduko proiektuak dauden neurrian.

4. NAMAINSAren administrazio kontseiluko kideak honakoak dira:

Kontseiluko burua:

Jesús Javier Marcotegui Ros. Lurraldearen Antolamendu, Etxebizitza eta Ingurumen kontseilaria.

Kontseilukide delegatua:

José Ignacio Elorrieta Pérez de Diego. Lurraldearen Antolamendu, Etxebizitza eta Ingurumen Departamentua.

Kontseilukideak:

- Alberto Otamendi Saldise. Lurraldearen Antolamendu, Etxebizitza eta Ingurumen Departamentua.

- José Antonio Ayesa Usabiaga. Industria, Merkataritza, Turismo eta Lan Departamentua.

- Pedro García Sotro. Industria, Merkataritza, Turismo eta Lan Departamentua.

- José Ignacio Pérez de Albeniz. Ekonomia eta Ogasun Departamentua.

- Ignacio Arrizabalaga Rodríguez. Ekonomia eta Ogasun Departamentua.

- Angel Serrano Azcona. Lehendakaritza, Justizia eta Barne Departamentua.

- José M^a Abad Alegría. Lehendakaritza, Justizia eta Barne Departamentua.

- Jesús Ramón Loitegui Aldaz. Lehendakaritza, Justizia eta Barne Departamentua.

- Ramón Corpas Mauleón. Hezkuntza eta Kultura Departamentua.

Idazkaria: Eladio Llorente Ramos. Navarra de Medio Ambiente Industrial, S.A.

Hori guztia jakinarazi dizut Nafarroako Parlamentuko Erregelamenduaren 184. artikulua eta ondokoek ezarritakoari jarraituz.

Iruñean, 2002ko otsailaren 28an

Lurraldearen Antolamendu, Etxebizitza eta Ingurumen kontseilaria: Javier Marcotegui Ros

(Oharra: Aipatu eranskina foru parlamentarien eskura dago Biltzarreko Zerbitzu Orokorretako bulegoetan).

Galdera, Los Arcosen hondakin berezien tratamendurako zentro bat jartzeari buruzkoa

FORU DIPUTAZIOAREN ERANTZUNA

Biltzarreko Erregelamenduko 112.1 artikuluan ezarritakoa betez, Batasuna Parlamentuko Taldeak Los Arcosen hondakin berezien tratamendurako zentro bat jartzeari buruz egindako galderaren erantzuna, Foru Diputazioak emana, Nafarroako Parlamentuko Aldizkari Ofizialean argitara dadin agintzen da. Galdera hori 2002ko otsailaren 11ko 10. Nafarroako Parlamentuko Aldizkari Ofizialean argitaratu zen.

Iruñean, 2002ko martxoaren 6an

Lehendakaria: José Luis Castejón Garrués

ERANTZUNA

Batasuna Parlamentuko Taldeak galdera egin du Los Arcosen hondakin berezien tratamendurako zentro bat jartzeari buruz. Hona hemen Lurraldearen Antolamendu, Etxebizitza eta Ingurumen Departamentuaren erantzuna.

1. Departamentuak hala eskatu duten udalen ordezkariak hartu ditu.

2. Los Arcosen ezarri nahi den hondakin berezien tratamendurako zentroaren proiektuaren inguruan udalez hitz egiteko "ukituriko" adjektiboa ez da termino juridiko zehatza, eta haren eremua eta edukia zedarritzea zaila da. Hori dela eta, eta kasu horietarako ezarritako administrazio prozedurarekin bat, ukitutzat jotzen diren udalen jarrera espresa epean eta moduan aurkeztutako alegazioetan ageriko da; departamentua, dagokion erantzukizuna betez, alegazio horiek ari da aztertzen une honetan, ebatzi ahal izateko.

3. Gobernuak Lurraldearen Antolamenduari eta Hirigintzari buruzko Legeak, Ingurumenaren gaineko eraginari buruzko Legeak, hondakin berezietan buruzko 13/94 Legeak eta hura aldatu zuen 1/99 Legeak zehaztutako bideak ezarri ditu herrien parte hartzerako. Eta bide hori zabaldu egin zen.

4. 1/99 Legeak kendu zuen 13/94 Legeak hondakin berezien kudeaketarako proiektu pribatuak baimentzeko ezarri zuen moratoria, baimentzeko prozedurak ezarri baitzituen, hondakin bereziak inportatzeko irizpide eta baldintzekin bat.

Beraz, ikuspegi horretatik uste dugu Nafarroako industria egiturarako garrantzizkoa dela hondakin ekoizleek, horien kudeaketaren erantzule, gestore baimenduak izatea, horiei laga ahal izateko

beren eskubideak eta betebeharrak, Hondakin berezietan buruzko Legearen 4.b) artikularekin bat.

5 eta 6. Hondakin arriskutsuak tratatzeko zentroak daukan gaitasuna, ingurumenaren gaineko azterlanean ageri dena, hauxe da:

1. fasea

| Transferentzia zentroa | zehaztu gabe |
|---|--------------------|
| Jariakin akuosoak tratatu eta berreskuratzea | 40.000 tona urtean |
| Egonkortzea | 20.000 tona urtean |
| Ontzikien tratamendua | zehaztu gabe |
| Disolbatzaileak berreskuratzea | 10.000 tona urtean |
| Beiraztapena | 50.000 tona urtean |
| Erregai alternatiboak prestatzea | 20.000 tona urtean |
| Gai organikoak egonkortzea | 5.000 tona urtean |
| Hondakin arriskutsuen zabortegia (batez bestekoa 20 urteko erabilgarritasunerako) | 60.000 tona urtean |

2. fasea

| | |
|------------------|--------------------|
| Lohiak egokitzea | 15.000 tona urtean |
| Olioak berritzea | 40.000 tona urtean |

(Garrantzitsua da zentroaren gaitasun osoa ez dela gaitasun guztien batura, hondakinetakoz batzuek prozesu bat baino gehiago behar baitute).

Tratamenduaren aurreikuspena, noski, merkatuaren egoeraren araberakoa izanen da.

Foru Komunitatean hondakin arriskutsuen ekoizpena 88.000 tonakoa da urtean.

Beraz, zentroaren tratatze ahalmena Nafarroako ekoizpenetik gorakoa da eta aurreikusirik dago Foru Komunitatean sortuak ez diren hondakinak.

7. Bai, Hondakin berezietan buruzko 13/94 Legea aldatu zuen 1/99 Legearen 7.3 artikuluan aurreikusitakoarekin bat, hondakin berezien inportazioa baldintza zehatz batzuekin baimentzen baitu.

Hori guztia jakinarazi dizut Nafarroako Parlamentuko Erregelamenduaren 184. artikulua eta ondokoek ezarritakoari jarraituz.

Iruñean, 2002ko otsailaren 28an

Ingurumen, Lurraldearen Antolamendu eta Etxebizitza kontseilaria: Jesús Javier Marcotegui Ros

Galdera, 0-3 urte bitarteko haurrentzako ikastetxeak abian jarri dituzten herriei buruzkoa

FORU DIPUTAZIOAREN ERANTZUNA

Biltzarreko Erregelamenduko 112.1 artikuluan ezarritakoa betez, Socialistas del Parlamento de Navarra Parlamentuko Taldeak 0-3 urte bitarteko haurrentzako ikastetxeak abian jarri dituzten herriei buruz egindako galderaren erantzuna, Foru Diputazioak emana, Nafarroako Parlamentuko Aldizkari Ofizialean argitara dadin agintzen da. Galdera hori 2002ko otsailaren 11ko 10. Nafarroako Parlamentuko Aldizkari Ofizialean argitaratu zen.

Iruñean, 2002ko martxoaren 6an

Lehendakaria: José Luis Castejón Garrués

ERANTZUNA

Socialistas del Parlamento de Navarra Parlamentuko Taldearen eledun Juan José Lizarbe Baztan jaunak galdera egin du 0-3 urte bitarteko haurrentzako ikastetxeak abian jarri dituzten herriei buruz. Hona hemen Gizarte Ongizate, Kirol eta Gazteri kontseilariaren erantzuna.

Zein herritan jarri dira abian zerotik hiru urtera bitartekoentzako ikastetxeak azken bi urteotan?

Zein dira horien ezaugarriak: ikasle kopurua, ordutegiak, langileak, instalaziok, zerbitzuak, eta abar?

Zein diru kopuru jaso dituzte inbertsiorako nola jardunbiderako Nafarroako Gobernutik, edozein kontzeptutan? Zein irizpideren arabera eman zaie lehentasuna inbertsioei, baimenei, dirulaguntzen banaketari? Zein dira interesa zuten udalen eskaerei ezetza emateko arrazoiak -Azagrarena, kasu-eta, batez ere, zergatik egin dira bereizketak udalen eskaerak berdin-berdinak edo antzekoak izanik ere?

Ikasle kopuruaz, ordutegiez, langileez, zerbitzuez eta jasotako dirulaguntzez eskaturiko datuak ondoko taulan aipatzen dira.

Instalazioek, jardunbiderako dirulaguntza jasotzen duten ikastetxeen kasuan, beti betetzen dute 3086/2001 Ebazpenean ezarritakoa. Baldintza horiek bete ezean, ekipamendu edo/eta lanak direla-eta jaso dute dirulaguntza, eta hasiko dira jardunbideagatik jasotzen eskatutako baldintzak betetzen dituztenean (ikastetxea egokitu edo erakitzeke lanak amaiturik).

Dagoeneko abian zeuden eta 2000ko iraila baino lehenagotik dirulaguntza jasotzen zuten ikastetxeak ere sartzen dira: Iruñea, Barañain, Tuterak, Atarrabia, Antsoain, Leitza, San Adrián eta Mendavia.

Inbertsioetan (obrak eta ekipamendua) lehentasunak egiteko irizpidea izan da ezarritako ezarpen faseena. Une hauetan lehentasuna lehen fasean aurreikusitako 43 udalek dute, Iruñak eta Tuterak (2. fasea). Halere, aurrekontuan dagoen diruaren arabera, 3. ezarpen fasean sarturiko udalen eskabideak onartu dira.

Nafarroako Gizarte Ongizatearen Institutuak ez du atzera bota Azagraren eskabidea. Ondoko taulan ikus daitekeenez, jardunbiderako eta ekipamendurako dirulaguntzak ditu.

Ez da bereizketarik egin udalen eskaerak berdin-berdinak edo antzekoak izanik ere.

Hori guztia jakinarazi dizut behar diren ondorioak izateko.

Iruñean, 2002ko otsailaren 26an

Gizarte Ongizate, Kirol eta Gazteri kontseilaria:
Calixto Ayesa Dianda

(Oharra: Aipatu eranskina foru parlamentarien eskura dago Biltzarreko Zerbitzu Orokorretako bulegoetan).

| | |
|---|---|
| HARPIDETZAREN PREZIOA ALDIZKARI OFIZIALA ETA BILKURA EGUNKARIA | IDAZLARITZA ETA ADMINISTRAZIOA NAFARROAKO PARLAMENTUA «Nafarroako Parlamentuko Aldizkari Ofiziala» Arrieta 12, 3 31002 IRUÑA |
| Urte bat 39,07 euro | |
| Aldizkari Ofizialaren aleko prezioa 0,96 » | |
| Bilkura Egunkariaren aleko prezioa 1,14 » | |